



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 63. Parisiensis Curia Concilii receptioni obsistens.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI. „insuper vobis confirmo, quod apud
A.C. 1564. „me fixum, ratumque sit, secundum
 „antiquum, ac laudabilem in Ecclesia
 „Romana observatum cultum vivere, &
 „efficere, ut ditionum mearum popu-
 „li juxta easdem sacras leges vivant,
 „nam pacem eapropter inii, ut hostes
 „regno meo expellerem: nunc autem
 „nihil magis in votis habeo, quam ut
 „jus æquum omnibus ditionum mea-
 „rum subditis reddatur: de cetero oro,
 „ut vestri Principes me excusatum ha-
 „beant, ob eas causas, quas scriptis
 „mandabo, ut ad vos perferantur, post-
 „quam hac super re cum meis Sena-
 „toribus deliberavero.„ Hoc responso
 Rex Oratoribus neutiquam satisfecit,
 unde die vigesima septima Februarii
 eis aliud dabatur, quod tamen priori
 haud magis certum erat.

§. LXIII.

*Parisiensis Curia Concilii receptioni
obstans.*

Altera ex parte Parisiensis Senatus
 Synodi Tridentinæ receptioni ma-
 gna opponebat obstacula, præcipue con-
 tra utriusque postremæ Sessionis De-
 creta; quippe celebris hæc Curia con-
 tendebat, quod auctoritas Ecclesiastica
 cum præjudicio profanæ fuisset exten-
 sa, eoquod per multas, & carceris pœ-
 nas

nas Ecclesiasticis contra laicos procedendi facultas esset concessa, cum tamen Christus Dominus suis Ministris nonnisi spiritualem potestatem dedisset: insuper opponebant illi, quod Clero in publici status partem adoptato Principes quidem ex benevolentia Episcopis concesserint suos Sacerdotes pœnis temporalibus castigandi facultatem, ut inter eos disciplina conservaretur, Episcopi tamen hac potestate contra laicos nec ex lege divina, nec humana uti valeant, si autem ea uterentur, vere jus alienum usurparent. Præterea cavillabantur hi Senatores, quod Synodus Cæsari, Regibus, aliisque Principibus, si singularia certamina permittant, anathema intentet, cum tamen potestas a Deo proveniens, in terris a nemine Principibus auferri, aut restringi queat (*) Insuper carpebant ea, quæ Synodus circa Patronatus jura definiebat, perinde ac si falsæ huic suppositioni fuisset innixa, quod omnia beneficia sint libera, si jus Patronatus non probatur, cum tamen Ecclesia nulla habeat bona profana, nisi quæ a sæcularium liberalitate proveniunt: querebantur etiam, quod

Sæcul. XVI.
A.C. 1561.

(*) Potestas est a Deo, non autem potestatis abusus.

Sæcul. XVI.
A.C. 1564.

quod tunc, si capitales causæ ab Episcopis ad Pontifices remittantur, Concilia Provincialia, & Nationalia, quæ quoad eas iudices semper fuerant, sua jurisdictione priventur. His addebant, quod non modo Franciæ consuetudini, sed etiam Conciliorum canonibus, qui hæc causas in propriis suis locis dijudicari volunt, derogetur, si Episcopi, ut crimina ipsis impacta diluant, Romam contendere obstringerentur: nec minus Franciæ juribus, ac mori adversari inquebant, quod beneficia pensionibus, aut fructuum reservationibus onerentur, prout tamen Synodus perperam statuisset: porro haud tolerandum esse censebant hi Consiliarii, quod causæ in prima, ut vocant, instantia per Papam extra Regnum evocentur, hacque ratione antiquissima consuetudo plurimis edictis confirmata violetur, cum hanc evocationem clausula ista *ex causa urgente, & legitima* non vindicaret, prout experientia manifeste doceret, eo quod sub hoc prætextu omnes causæ Romam deferrentur. Præter hæc non approbabant Parisienses, quod Mendicantes bona immobilia possidere permittantur; causabantur enim, quod ejusmodi Religiosi, sub alia instituti ratione in Galliis fuerint recepti, proin illos juxta aliam formam retine-

retinere æquum non sit. Denique plu-
ra alia proferebant capita, quæ excogi-
tabant, ut Synodum non esse recipien-
dam comprobarent. (*)

Sæcul. XVI.

A. C. 1564.

§. LXIV.

*Molinæi consultatio adversus Con-
cilium Tridentinum.*

Ceteris vehementius contra hujus
Synodi receptionem tumultuaba-
tur Carolus Molinæus celebris Juris-
consultus, cujus jam sæpius memini-
mus. Hic ineunte hoc anno Christi
millesimo quingentesimo sexagesimo
quarto Lutetiam Parisiorum redux die
vigesima octava Februarii consultatio-
nem vulgabat, in qua exposuit, quod
a quibusdam Regiis Consiliariis novem
Synodi Sessiones receperit, quarum pri-
mæ sex anno Domini millesimo quin-
gentesimo quinquagesimo primo Colo-
niæ, ac postea Antverpiæ, reliquæ ve-
ro

(*) Hæc a Parisiensi Senatu fuisse oppo-
sita Continuator quidem refert, sed nullum
omnino testem allegat: qualiter autem hæc
componi valeant cum iis, quæ Continuator
de eodem Senatu in tuenda Synodo contra
Molinæum in §. LXVI. attulit, haud per-
spicimus.